



factsheet

عمليات بتاعت السيادة على الحدود

ورقة بتاعت معلومات: معلومات للناس الموجودين جوّه أستراليا

عمليات بتاعت السيادة على الحدود دي شنو؟

عمليات بتاعت السيادة على الحدود هي عمليات عملتنا الحكومة الأسترالية بقيادة عسكرية عشان تأمين الحدود، وهدف بتاعا مكافحة تهريب البشر بالبحر وحماية الحدود الأسترالية.

أستراليا ملتزمة بالقضاء على نشاط بتاع تهريب البشر الإجرامي ومنع الناس الضعفاء من المخاطرة بحياتهم لمن يجو لأستراليا بقوارب خطرة.

آخر قارب بتاع تهريب بشر قدر يدخل أستراليا قبل ثلاثة سنين. وكل قوارب تهريب البشر الحاولت تصل لأستراليا اعترضوها ورجعوها للدولة الجات منها.

سياسات حماية حدود أستراليا دي شنو؟

أستراليا عملت تدابير صارمة لحماية الحدود عشان مكافحة أنشطة تهريب البشر وعشان يمنعو خسائر الأرواح في البحر ويحمو الحدود الأسترالية.

أي زول يحاول يجي لأستراليا عن طريق القوارب وبدون تأشيرة حا يرجعوه للدولة الغادر منها، والاستيطان في أستراليا ما حا يكون خيار متوفر ليو. ولو عائلتك وأصحابك حاولو يجو بي قارب بدون تأشيرة، ما حا يصلو لأستراليا.

هل القوانين بتتنطبق على كل زول؟

أيوه. أي زول يحاول يجي لأستراليا عن طريق القوارب بطريقة غير مشروعة حا يرجعوه للدولة الغادر منها. القوانين بتتنطبق على كل الناس: الأسر والأطفال، والأطفال البجو براهم، والمتعلمين والعُمال المهرة – مافي أي استثناءات.

ما تنق في مهربين البشر، ناس ديل كضابين...

نحن عارفين أنو مهربين البشر بكضبو طوالي على الناس الليانسين الدايرين يستوطنو في أستراليا. مهربين البشر ديل مجرمين وحا يشيلو قروش بتاعتك ويعرضو حياتك للخطر.

مهربين البشر حا يقولو لأصحابك أنو الوصول لأستراليا سهل، أو أنو السياسات بقت مُخففة. قول ليهم ما يصدقو كضب ده، هُم ما حا يقدر و يستوطنو في أستراليا بدون تأشيرة سارية. حكومة أستراليا ما غيرت ولا حا تغير موقفها القوي.

مهربين البشر حا يقولو ليهم أنو القوانين ما بتتنطبق عليهم، أو أنو القانون حا يتغير قريب. القوانين بتتنطبق على عائلتك وأصحابك، ومافي أي استثناءات. ما تخليهم يسافرو!

أي زول يحاول يجي لأستراليا عن طريق القوارب بطريقة غير مشروعة، ما حا يتم توظيفو في أستراليا. كلم عائلتك وأصحابك أنو يفكرو كويس قبل ما يضيعو قروش بتاعتم.

كيف ممكن عائلتي وأصحابي يستوطنو في أستراليا؟

الناس البفكرو يستوطنو في أستراليا أو العندهم أصحاب وأسر بفكرو يستوطنو في أستراليا لازم يتذكرو أنو في طريقة مشروعة عشان يجو بيها لأستراليا. ولو حاولو يجو لأستراليا بطريقة غير مشروعة، ما حايتم يتم توطيئهم أبدأ في أستراليا.

The Department of Immigration and Border Protection عندها برنامج خارجي بتاع إعادة التوطيئ، كجزء من برنامج بتاع الحكومة الأسترالية لتوطيئ اللاجئين والاعتبارات الانسانية. وفي البرنامج ده، يتم إعادة توطيئ الناس المحتاجين للمساعدة على أساس اعتبارات إنسانية في أستراليا وماعندهم أي خيار دائم ثاني متوفر ليهم.

بالنسبة للناس المامؤهلين للبرنامج الخارجي بتاع إعادة التوطيئ ودابيرين يجو لأستراليا للشغل، ناس ديل لازم يقدمو طلب لتأشيرة عمل.

لو انت داير معلومات زيادة عن طرق الهجرة المشروعة، خش في موقع انترنت بتاع Department of Immigration and Border Protection ده: <http://www.border.gov.au/>